

五修族谱序

国史纪朝政，方志明沿变，族谱辨世系。三者补缺钩沉，相得益彰，皆泱泱吾华文明之粹也。吾华以礼治国、以德服人。虽历胡虏数次进犯，甚或崖山倾覆，然五千年文明延绵不绝，华夏屹立不倒，何耶？礼也！

究谱牒之学，远溯周礼，盛于唐宋，醉翁老泉堪为顶。今阅诸谱牒，余以为厥之要义，惟二尔。

其一曰：齐国。中山先生倡三民主义，其首推民族。树吾华民族之独立、聚吾华民族之精神，乃吾华振国之要途。而民族之根基，惟千万家族尔；纠千万家族之精神，乃族谱也。是故，谱牒当绍圣继志、抑恶扬善、固结族众。子凝则家兴，家兴则族旺，族旺则民富，民富则国强。值吾华民族伟大复兴、百年未有大变局之时代，其义尤显焉。

其二曰：治家。为谱之道，朱子云：启后人，隆礼义，敦孝悌，知爱敬，正风俗。谱牒之所以探本清源、明系辨支、尊宗敬祖、彰功昭德，其意岂非

眼井。有明初，信祖少仕北直通州武弁。洪武己巳岁，祖奉调来楚，卫益阳，授受卫千户。复迁宝庆，经理弁赋，落业邵邑城南富庶坊甘井头，生金铭、金镇、金铎、金鑑、金钰、金铨六公。

迨正统八年，兄弟分爨，奉例开垦，六脉散处东、南、西三乡。于是乎，瓜瓞椒条，蕃衍邵陵。子孙绳绳，衣衿累累矣。

厥后，斗转星移四百余载，桐槎江水西流不绝。奈几经沧桑世事、兵荒马乱，所修家乘或散佚殆尽、或兵燹灰烬。

至清嘉庆六年，十三代世孙才佐公等，虞谱之不存，犹木无本水无源。使代衍年远，离乱散处无统，恐一本视为途人，九族渺若秦越矣。公遂提议编纂，但凭断简草册，寻绪摹迹，不辞劳瘁。几费经营，彙集成秩，付诸枣梨。嗟乎！家乘之修，难莫甚若创者，功莫大于肇者也！

洎至光绪二十一年，十五代世孙楚泮公等倡而续之。诸前辈殫精竭虑，继往开来，心诚嘉而身诚苦矣。又至民国二十七年，十八代世孙万德公等，悲国步艰难，叹鹳鹄在原，于救亡图存之秋主持三修，以奋族人。尤经多方

求徵，三修之作俾金鑑公房暨承发公房合谱本族，艰而弥卓哉！再至公元一九九二年，十九代世孙朝阳公等举阖族四修族谱。几历寒暑艰辛，同心同德而藏厥事，可歌可颂也。

今时抚前谱之卷，见乎六百余年之脉络，本本原原、井井然然。炳炳先谟、绵绵旧德，无不跃然字里行间。钦佩涕零之余，益知先人之为，后人之幸哉！

光阴荏苒，迄今距四修族谱为时瞬又卅年矣。承毛公拯吾华亿万同胞于水火，共和开国立民族；后继者举改革开放之大旗，戮力发展促民生。近卅年日新月异，国祚亨通，物产兴盛，国泰民安。厚然其间，吾邵陵曹氏苗裔五千余众如鱼得水。亦诸多拔萃者，出云贵、市岭南、职京沪、涉重洋。各条各线，捷报频传。感今怀昔，天涯游子寻根问祖之情日盛矣。梦里不知身是客，回首已是百年身。白云青舍今安在，春露秋霜何处寻？

客壬寅始春，诸父昆季聚余等族人议。曰：古训『盛世宜修典』。又曰：古者家谱卅年而一修。吾等享此盛世，当确守前勋，举五修族谱之事，释敬

宗收族之怀。一呼而众族人皆应，欣也。

待暨春暖花开，万物复苏。新继族长率族而动，择吉日，摆筵设祭，熏沐行五修之仪。除却按丁敛贄，更喜诸多仁望者，如春资（字爱齐）、春洪（字小刚）、春袖（字欢喜）、春东（字金陵）、道福（字长福）、春良（字建良）、道徐（字宇晖）等，感恩行孝，厚德明礼，踊跃赞勩。遂筹六十余万元之支费，克敷乃用矣。

爰立署役之，任春洪（字小刚）为主修，春资（字爱齐）、春袖（字欢喜号曹袖）、春东（字金陵）、道福（字长福）、春良（字建良）为副主修，朝富（字长庚）、春利（字国跃）为倡修，朝例（字爱国）、道徐（字宇晖号学文）、春寿（字新刚）、朝森（字顺民）、春柳（字立民）为纂修，朝例（字爱国）、春寿（字新刚）、道徐（字宇晖）、春祥（字红喜）、朝森（字顺民）、春柳（字立民）为编修；春风（字亚艺）、春纲（字纲要）为校阅；朝顺（字顺民）、道荣（字曹凯）、朝驰（字大炼）、朝阳（字玉贤）、朝文（字朝文）、春雷（字浩辉）、道林（字扬春）、朝河（字友国）、道

双（字志辉）、道友（字满意）为监修及十七片区等协修各领其职，众志成城，责无旁贷。诸任事遍缉旧卷遗字，远采近访，稽户核丁，辑录校讎，竭竟心力。辨脉支、清配适、考生卒、识葬所，详于今而承于前。盖信以传信，疑以传疑尔。

或逢三年新冠大疫期，修牖之行间有断续。幸今日高速路通畅，因特网发达，电脑手机便捷。前之艰且难，今则速且易也。慨念前人于千辛万苦中，尚营心为之。今吾辈绍休圣绪，岂敢敷衍塞责，草草了事哉？

稔余，五修谱告竣。余谛观之，是卷条分缕析、洋洋洒洒，有典有则、彝伦攸叙，无忘吾辈尊祖敬宗之心，敦本睦族之意。遂以香焚，敬慰先人在天之灵矣。

余幼时绕父膝前，常闻其论及族事亲缘、派脉渊源；亦屡见其整襟取谱，危坐端详。少时自后，离家求学他乡，偶有暇归。幼时情境，感怀至今。今舌耕复旦园三十余载，莼鲈之思终不能散。

惟望吾族后裔，追念前由、孝思勃生，燃藜刻楮、坚韧不拔，精诚团结、

净正三观。亲思如何睦疏，近思如何会远，富思如何恤贫，贵思如何持贱，智思如何济愚，贤思如何勉逆。大利前勿忘道义，大吉时尤记矜让。于吾华崛起中兴之会，击楫中流，天下之忧当先忧之，天下之乐宜后乐之也。

惟愿吾族，一宗之中，和气周流、仁风霏濡，上无愧于祖宗，次无愧于大家，次无愧于斯谱。善哉！

袖不才，今敢惮愚瞽，不避忌忤，叙言于弁，以勸励后生矣。是则余之志也夫。

复旦大学学士、硕士、博士

复旦大学教授

廿代世孙春袖字欢喜敬撰

公元二〇二三年癸卯早春